

Сауданбекова Ш.Т.

Жапон елінің дәстүрлі мәдениет ерекшеліктері

Saudanbekova Sh.T.

Feature of Japanese traditional culture

Сауданбекова Ш.Т.

Особенности традиционной культуры Японии

Бұл мақалада өз ұлтының салт-дәстүрін сақтауда алдына жан салмай ұлттық, мәдени құндылықтары мен ежелгі ата-баба дәстүрлөрін ескіртпей сақтап келе жатқан Жапон елінің мәдениет ерекшеліктерінің бірқатар тұстары қарастырылған.

Түйін сөздер: Жапония, мәдениет, дәстүр, мәдени құндылықтар.

In this article we'll give some information about Japanese cultural and traditional values. In order to save national, cultural values and identities of every nation we need to understand that every person should protect and try to save cultural, traditional, spiritual values, keep traditions of their ancestor.

Key words: Japan, culture, traditions, cultural values.

Рассмотрение культурного контекста в формировании эстетических представлений помогает более адекватно и глубоко понять специфику традиционной японской культуры. В данной статье рассматриваются некоторые особенные черты традиционной японской культуры.

Ключевые слова: Япония, культура, традиции, культурные ценности.

ЖАПОН ЕЛІНІҢ ДӘСТҮРЛІ МӘДЕНИЕТ ЕРЕКШЕЛІКТЕРИ

Әрбір ұлттың, халықтың ұлттық мәдени құндылықтары мен ерекшеліктерін сактау үшін әрбір адамның түйсігінде, алдында тұрған басты міндет – рухани құндылықтар, мәдени байлықтар мен ата-баба дәстүрін ұстану және сактау болып табылады. Осы арқылы ғана әр халықтың ұлттық дүниетанымын, салт дәстүрлері мен әдет-ғұрыптарын ұрпактан ұрпакқа бұлжытпай жеткізе аламыз.

Ата-баба дәстүрін қандай заманда өмір сүрсе де, бұлжытпай сактауға тырысатын ұлттың бірі – жапон халқы. Ғылымы мен техникасы қарыштап дамып, кез келгеннің миң жетпес ғажайып технологияларды өндіріске енгізіп, соның арқасында экономикасы өзге мемлекеттерден озық тұрған Жапон елінің өз ұлттының салт-дәстүрін сактауда алдына жан салмай ұлттық мәдени құндылықтары мен ежелгі ата-баба дәстүрлерін ескіртпей сактау қатынасы таңданарлық.

Жапония мәдениеті мен салтында табигат ерекше орын алады. Табигатқа табыну ертеректе барлық халыққа тән құбылыс болса, жапондықтар үшін ол ұлттық дін – «құдай жолы» синтонының арқасында бекіп, одан әрі дами бастады. Өйткені бұл дін түрлі табигат құбылыстарына табынуға бағытталған.

Жапондықтардың әрбір жыл мезгіліне байланысты белгілі әдет-ғұрпты мен салты бар. Ерекше танымал түрлеріне әйгілі сакура ағашы гүлдеген кезде жасалынатын «Ханами» – сакура гүлінің әдемілігін тамашалау, айдың толған кезінде жасалынатын дәстүр «цукими» айдың толу әдемілігін тамашалау, қар қалың жауатын аймақтарға барып «кжими» – қардың жауу әдемілігін тамашалау сияқты дәстүрлері қалыптасқан. Осы табигатқа қатысты дәстүрлерді біркітіріп жалпы атпен «сэкутэкка» (қардың, айдың, гүлдердің әдемілігін тамашалау) деп атайды. Қоңтеген табигат құбылыстарының әдемілігін тамашалау арқылы табигаттың әдемілігі мен ерекше құбылыстарының ерекшеліктерін өздерінің ұлттық дүниетанымына сіңіріп, ұрпактан ұрпакқа жалғастырып келеді. Жапонияда әрбір айды белгілі бір өсімдіктің атауымен атап, өсімдік құнтізбесін құрган: олар – қанттар – қарағай, ақпан – қараөрік, наурыз – шабдалы, алмұрт, сәуір – сакура (жапон шиесі), мамыр – азалия, пион, маусым – жылан – қияқ (ирис), шілде – шырмауық, тамыз – лотос, қырқүйек – күздің жеті шөбі, қараша – үйенкі, желтоқсан

– камелия. Осылайша әр айда аталған жемістер мен өсімдіктерге деген құрмет пен баптауды құштутуғе тырыскан.

Жапондардың табиғатқа қатысты құрметінің тағы бір ерекшелігі бұл халықтың тұрмыстық салтында бақтың орны ерекше. Жапон бақ өнері – қайталаңбас құбылыс, ол мұқият жинақталған философиялық-эстетикалық құндылықтардың жиынтық көрінісі. Алғаш рет «нива» (бақ – бақша) сөзі біздін заманымызың 720 жылдарынды кездеседі. Ол «құдайға табынуға арналған бос кеңістік» деген мағынаны білдіреді. Жапон бақтарындағы басты элементтер су мен тас болып табылады. Су әйел құшінің белгісі – инь, ал тастар ерек күшінің белгісі – янь. Олардың мәңгілік өзара қарсылығы мен айырылmas біртұтастығы ежелгі дуалистік түсінік бойынша әлемнің өмір сүруінің негізі болып табылады. Жапон бақы – басқа нағыз өмірге ашылатын ерекше терезе іспетті, онда адам баласы табиғаттың таусылmas әдемілігімен, тылсым құдіретімен таныса алады. Жер үйде тұратын жапондықтардың баққа аса көңіл белуінің тағы бір себебі үйлеріне келген қонақтар сырттағы бақты тамашалау арқылы үйге кірмей тұрып көңіл қүйлері көтеріледі, сондай-ақ үй иелерінің табиғатқа деген құрметін байқап оларға деген сыйластығы арта түседі деген түсінік қалыптасқан.

Жапондардағы Шай рәсімі (тя-но-ю) бүкіл әлем жүртшылығын таң қалдырады. Басында қытайлардан алынған бұл дәстүрді жапондар арнайы салтқа айналдырған. Шай рәсімі эстетикалық салт болып табылады. Шайды дәріптеуді жапондықтар қытайдан қабылдап алған. Жапонияға шай он үшінші ғасырда келген. Алғашқы шай плантацияларын Киотодағы Хэйдзан қасиетті тауы етегінде 802 жылы Сайсе монахы өсірген болатын. Бірақ та Жапонияда шайдың таралуы тек он екінші ғасырда ғана кең етек алды. Шай рәсімінің төрт негізгі принципі: үйлесімділік – «ва», ерекше құрмет – «кэй», тазалық – «сэй» және тыныштық, дамыл – «сэки» ұғымдарын алғаш рет Сюко Мурата он бесінші ғасырдың сонында қалыптастырған. Ұлы шеберлер көмегімен жасалған шай рәсімі өзінің эстетикалық және философиялық мәні арқылы осындай әдемілікке табынуға қарсылық көрсететін құштерді жену мақсатын көздейді

Жапондардың ас үстінде неліктен шалпылдайтыны, әйелдерге есік ашып, алдымен өткізіп жібермейтіні шетелдіктерге әлі күнге жұмбак. Бұл – жұмбагы мол Жапония. Фудзи тауы мен сушидің, құлтемірлер мен дәстүр-ғұ-

рыптың елінде қын әрі құрмеуі мол мәдениет сақталған.

Жапон этикасымен жақынырақ таныса отырсақ: таяқшаны қалай дұрыс ұстау керек, әңгімелесушімен қалай дұрыс сәлемдесу қажет, қоғамдық транспортта өзінді қалай ұстаған дұрыс. Жапон этикасы – қын әрі құрдерлі «ғылым», оның түп тамыры Конфуциандықта, Синтоизмда, жапон қоғамының бүгінгі иерархиялық қатал жүйесінде жатыр.

Нихонго но кәйсө – адам мен зат атауларына жалғанатын жүрнақ, әңгіме кезінде адамның мамандығы мен тегіне, есіміне қосыла айттылады. Әңгімелесушінің қаншалық туыс екендігін және әлеуметтік байланыс маңыздылығын көрсетуге дәдел.

Бұл елде жүрнақсыз тілдесу дөрекілікке жатады. Тек мектеп оқушылары арасында, студенттер мен жақын достардың ортасында, сонымен бірге, үлкеннің балаға қараты айтқан сөзінде бұл жүрнақтар көрініс таппайды.

Нихонго но кәйсө жүрнағының бастылары: сан – «мымрза» – әлеуметтік мәртебесі тен адамдар арасында, кіші мен үлкеннің әңгімесінде, ет-жақын туыс емес жандардың сұхбаттасуында жалғанады. Ұстамдылықты көрсетеді.

Кун жүрнағы – әріптестер мен достар арасында, үлкеннің кішігі қараты айттылған сөзіне жалғанады. Тян жүрнағы – әлеуметтік мәртебесі мен жас мөлшері бірдей жандардың жақын арақатынасында және де балаларға қараты сөйлеуде қолданылады. Сама – сый-құрметтің шарықтау шегінде, көбіне реңи хаттарда жалғанады. Сэмпай – кішінің үлкенге қараты сөйлеуінде қолданылады (ұстаз – окушы, тәжірибелі маман жұмысшы – тәжірибесі жеткілікіз маман); Кохай – сэмпай жүрнағына қарсы мәнде;

Сэнсэй – ғалымға, дәрігерге, жазушыға, саясаткерге, жалпы алғанда, қоғамдағы сыйлы жандарға қараты қолданылады. Сәлемдесу – жапон мәдениетінің айнасы іспетті. Көбіне илумен көрініс тауып жатады. Тағзым (ojigi) – жапон мәдениетінің алынбас бір бөлшегі. Ең бастысы, дұрыс тағзым – тәрбиеліліктің көрінісі. Тағзымның үш түрі бар: Eshaku – білінер-білінбес әрі қысқа тағзым. Құнделікті тұрмыста жиі қолданыста. Әріптестермен сәлемдесуде, әлеуметтік мәртебесі жоғары жандармен амандасқанда, не болмаса «рақмет» орнына да қолданыла береді. Keirei – ұзаққа созылатын тағзым. Сыйлы әріптестер мен кәсіпкерліктең серікtestердің ортасында орындалады. Sai-Keirei – тағзымның ең қадірлісі шексіз сый-құрметті білдіруге, маңызды жандармен амандасуда

қолданылады. Дұрыс тағзым ету үшін, мына шарттар орындалуы тиіс: Тоқтап, қарсы алдына тұрып, қолды санға қою немесе қолды кеудеге жинап тағзым ету керек.

Жапонияда аса қын сәттерде болмаса әдетте қөмек сұрай бермейді.

Сондықтан, қол үшін беруден бас тарту – бұл елде дөрекілік емес, керісінше, сый-құрметтің белгісі саналады. Әлгі жан бірнеше мәрте қөмектесуге дайын екендігін білдірсе ғана, қолдауды қабыл алуға болады екен. Жапондарда қарсылысының қозіне тік қарап сойлеу әдепсіздіктің белгісі, әңгіме үстінде олар бір-бірінің қозіне мұлдем қарамайды десе де болады. Мұның тұп негізі ерте уақыттардан қалыптасқан: сол уақыттарда әлеуметтік мәртебесі жоғары тұрған жаннның қозіне тіке қарауға болмайтын болған. Бір сөзben айтқанда, естіп білмеген көргенсіздік саналып келуде. Сәлемдесу, алғыс айту, кешірім сұрау, құрметтеу – осының бәрін жапондар тағзым арқылы жеткізіп жатады.

Азияда, соның ішінде Жапонияда аяқ киімді шешіп жүру міндettі саналады.

Үйге аяқ киіммен кіру – жапон этикасының ерескел бұзылуы. Жапондар тәжірибесіз туристерге көп нәрсені кешіру мүмкін, бірақ, мұны қалыс қалдырмайды. “Күн шығыс елінің” кейір өнірлерінде, провинцияларында аяқ киімді жұмысқа барғанда да шешіп тұрады. Демек, жапон үйінің табалдырығынан аттамас бұрын, аяқ киімді шешіп енген дұрыс. Кейде олар мейманға үй аяқ киімін ұсынып жатады. Бұл тұста тағы бір тосын жайт күтіп тұруы мүмкін – әрқашан өз шұлығынызды таза ұстап жүріңіз. Тосян тағы бір жайт. Жапон үйлерінде ванна мен дәретханаларға кірер ауызда арнайы аяқ киімдер тұрады. «Тұра берсін», – деп ойлаған мейман

шұлықпен кіріп жатса, өзін үлкен ұятқа қалдыруы әбден мүмкін. Әжет бөлмесіне кірерде міндетті тұрде арнайы аяқ киімді киген дұрыс.

Жапонияда ұлттық қолөнердің сан түрі, қыш құмыра, керамика жасау, ағашқа ою-өрнек салу, бамбуктен себет току, зергерлік пен сәулет өнері дамыған. Жапония еденге жастықша төсеп, аласа жозыда тамактанады. Көшеде, жұмыста еуропалықтарша киініп, демалыста, үйде, қонақта ұлттық киімдерін – кимоно киеді. Ерлер мен әйелдердің кимоносы бір-бірінен пішіміне, бояуына, женінің ұзындығына қарай ерекшеленеді. Кимононың сыртынан әйелдер жалпақ белбей, ерлер еңсіз белбей буынады. Дәстүрлі кәсіпптері құрш өсіру. Оған қосымша суармалы егін, шай, көкөніс, жеміс-жидек, цитрус жемісін егеді. Жібек құртын өсіру, әсіресе, балық аулау кәсібі дамыған. Жапониялықтардың басым көпшілігі қалалы жерлерде тұрып, өндіріс орындарында, халыққа қызмет көрсету саласында еңбек етеді. Жапония каркастан қалап тұрғызған бір-екі қабатты үйлерде тұрады. Үйдің ішкі жағы рама мен картон қағаздан тығыздаپ, қабаттап құрастырылған жылжымалы қабырғамен бөлінеді. Ал үйдің биік шатыры қалақ таспен жабылады.

Көнеден жеткен ұлттық салт-дәстүрін, тарихи ескерткіштері мен өнерін, ұлттық мейрамын, сан алуан отбасылық жоралғы ғұрпын, сыпайы мінез-құлық пен мәдениеттілікке баулытын халықтық педагогикасын, классикасын, поэзиясын, сонымен қатар кескіндеме мен сәулет өнерін сактаған.

Отбасылық дәстүрге берік жапондар үлкендерді сыйлау, кішіге ізет жасау салтын әлі күнге дейін сактаған. Жапондықтардың салт-дәстүрін зерттеу, бұл халықтың қазіргідей табыстарға жетуінің мәнін түсінуге мүмкіндік береді.

Әдебиеттер

- 1 Молодяков Историческая память японцев // Ежегодник «Япония». – 2008. – № 37. – С. 285-301.
- 2 Мещеряков А.Н. Некоторые главные особенности японской цивилизационно-культурной модели // Известия Восточного института ДВГУ. – 2005. – № 9. – С. 225-242.
- 3 Арин О.А. Азиатско-Тихоокеанский регион: мифы, иллюзии и реальность. – М., 1997.
- 4 Дёлэ Н. Япония вечная. – М.: Астрель-АСТ, 2002.
- 5 Игнатович А.Н. Буддизм в Японии. (Очерк ранней истории). – М., 1988.
- 6 Из истории общественной мысли Японии XVII-XIX вв. – М., 1990.
- 7 Reshauer E. The Japanese today: Change and continuity. – Tokyo: Bungei Shunju, 1977/1990.
- 8 Дои Т. Амаэ дзакко (Суть амаэ). – Токио: Кобундо, 1975.
- 9 Лафкадио Хэрн Мир по-японски. – СПб., 2000. – С. 55-63.
- 10 История Японии: В 2 томах. – М., РАН, 1998 (1999).
- 11 Кадзи С., Хама Н., Райе Д. Эти странные японцы. – М., 2000.
- 12 Кожевников В.В. Очерки по истории Японии. XII-XVI вв. //ДВГУ. – 1999.
- 13 Конрад Н.И. Избранные труды. История. – М., 1974.
- 14 Конрад Н.И. Очерк истории культуры средневековой Японии. – М.: Искусство, 1980.

- 15 Кузнецов, Навлицкая, Сырицын. История Японии. – М., 1988.
- 16 Мазуров И.В. Япония в период перехода к капитализму. – Хабаровск: ДВАГС, 2001.

References

- 1 Molodjakov Istoricheskaja pamjat' japoncev // Ezhegodnik «Japonija». – 2008. – № 37. – S. 285-301.
- 2 Meshherjakov A.N. Nekotorye glavnye osobennosti japonskoj civilizacionno-kul'turnoj modeli // Izvestija Vostochnogo instituta DVGU. – 2005. – № 9. – S. 225-242.
- 3 Arin O.A. Aziatsko-Tihookeanskij region: mify, illjuzii i real'nost'. – M., 1997.
- 4 Djolje N. Japonija vechnaja. – M.: Astrel'-AST, 2002.
- 5 Ignatovich A.N. Buddizm v Japonii. (Ocherk rannej istorii). – M., 1988.
- 6 Iz istorii obshhestvennoj mysli Japonii XVII-XIX vv. – M., 1990.
- 7 Reshauer E. The Japanese today: Change and continuity. – Tokyo: Bungey Shunju, 1977/1990.
- 8 Doi T. Amaje dzakko (Sut' amaje). – Tokio: Kobundo, 1975.
- 9 Laskadio Hjern Mir po-japonski. – SPb., 2000. – S. 55-63.
- 10 Istorija Japonii: V 2 tomah. – M., RAN, 1998 (1999).
- 11 Kadzi S., Hama N., Raje D. Jeti strannye japoncy. – M., 2000.
- 12 Kozhevnikov V.V. Ocherki po istorii Japonii. XII-XVI vv. //DVGU. – 1999.
- 13 Konrad N.I. Izbrannye trudy. Istorija. – M., 1974.
- 14 Konrad N.I. Ocherk istorii kul'tury srednevekovoj Japonii. – M.: Iskusstvo, 1980.
- 15 Kuznecov, Navlickaja, Syricyn. Istorija Japonii. – M., 1988.
- 16 Mazurov I.V. Japonija v period perehoda k kapitalizmu. – Habarovsk: DVAGS, 2001.